

և Ռեբեկայի դամբանները: Ո՛ր և է հաղորդակցութիւն չկայ նահապետներուն գերեզմաններուն հետ: Մարմարէ յատակ մը նոյն իսկ անհետացուցած է հին դրան հեռքը, և կարելի է որ շատ դարերէ ի վեր նոյն իսկ ո՛ր և է իսլամ չէ իջած կրկին քարայրին մէջ: Ջրհորի հորապսակէն նեղ ծակ մը թոյլ կուտայ նայիլ մթին քարայրի մը մէջ որուն յատակը թուղթերով լեցուած է: Անկէ է որ մահմետականները կ'ուզուեն իրենց գրաւոր աղաչանքները մասնաւորապէս նախանձախնդիր Իսահակին: Ով որ կ'այցելէ այս նահապետին գերեզմանը, կ'ըսեն մզկիթին պահապանները, կուրութեամբ կը պատժուի:

Կրկին գաւիթներու մէջ կը տեսնուին Աբրահամի և Սառայի աղօթարանները, ու բազին մէջ՝ Յակոբի և Լիայի աղօթարաններուն հետ անոնց դամբանները, ամէնքն ալ կանանչ մետաքսէ և շքեղօրէն ոսկեթել բանուած բազմաթիւ գորգերով ծածկուած: Բակէն՝ շրջափակին պատին մէջ բացուած դուռ մը կը տանի հիւսն Յովսէփի յիշատակարանը (Bar. gd. էջ 251-56):

ԺԲ. ԵՐՈՒՍԱՂԷՄԷՆ ՍԱՄԱՐԻԱ

1. Էլ-Պիրեհ գիւղի եկեղեցիին աւանդութիւնը. — Էլ-Պիրէհ նապուսի ճամբուն վրայ, Երուսաղէմէն դէպի հիւսիս 16 քմ. հեռու գիւղ մըն է: Հին Կտակարանի Պէրօթն է ան, Բենիամինի ցեղին քաղաքներէն մին (Յնս. Թ. 17): Այժմ Էլ-Պիրէհ հազար բնակիչներով գիւղ մըն է, շինուած ժայռու բլուրի մը գագաթը. անոր ստորոտին՝ ճանապարհին